

allen Purgier träncken / Purgiersäfftten / Purgier latzvergen / vnd Pils  
 len kan auch ihre Krafft aufgezogen werden / als zu einem Exempel da  
 einer beschwerung des Haupts hette / vnd man wolte ihm das haupt  
 mit einem quintlein hauptpillen purgirn / der Kranke aber konte keine  
 hauptpillen einnehmen / so thue ihm also / nimb die hauptpillen / zer-  
 reib sie in einem guten Brandten wein / (da ißt die Krafft der Pillen  
 stark haben wollet) oder in Rosmarin wasser / oder Anis wasser / thue  
 es zusammen in ein glässlein / des Wassers muß auff ein quintlein pil-  
 lulen neun löffel voll sein / da du Brandtenwein daran gossen hast / so  
 laß es vermacht drey tag in einer fühlen statt stehen / sonst wenn was-  
 ser auff die Pillen gossen ist / so laß es vier vnd zwanzig stunde wol ver-  
 macht in einem linden Balneo Mariæ stehen / denn nimb das glas her-  
 auß / eröffne es / geuß es in eine reine schüssel / laß es darinnen eine stunde  
 stehen / denn laß es durch ein reinen feuchten filz fliessen / das durchge-  
 flossene geuß in einen reinen Kolben / ein reinen helm darauff / vnd distil-  
 leir das wasser darvon herüber / so wirstu den Safft der Pillen am boden  
 finden / gar ein wenig / den kanstu dem Kranken im warmen Aniswas-  
 ser mit Zucker eingeben / kan er es aber auch also nicht einnehmen / so thue  
 den Safft in ein reines Tiegelein / vnd auff einem Kolsewer sein lang-  
 sam vnd gemachsam / mach ein Puluer darauß / so wirstu auf j. quint-  
 lein Pillulen nicht zehn gran schwer Pulvers bekommen / also wenig  
 wird des Puluers / das Pulver schütte in ein nasse Oblata / wickle es  
 zusammen / so wird es wie ein halbe Erbis groß / laß es den Kranken  
 verschlingen / so ist es so viel an der Wirkung vnd stercke / als wenn es  
 ein ganzes quintlein Pillulen hette eingenommen. Darauß leichtlich  
 zuerachten / daß es ein schöne herrliche Kunst ist / einen menschen mit gar  
 etm wenigen zu purgirn. Den alles was bey den pillen grob vnd schwer  
 ist / das kompt darvon / vnd der Kranke bekompt gleich nur das Edles-  
 ste / allerbeste / kräftigste vnd reineste / wie sich solches denn selber weiset  
 vnd lobet / hastu aber guten Brandtenwein / sieben löffel voll darauff  
 gegossen / so schwenke es wol durch einander / so werden die Pillen dar-  
 innen zer gehen / vnd den Brandten wein färben / laß ihm wol ver-  
 macht